



Sondagskool 2

Lestitel: Jesus se eerste wonderwerk

'n Ouerhandleiding

Sondagskooltuisonderrig



Liewe Ouer

Welkom by die les: “**Jesus se eerste wonderwerk**”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS
2.	Versamel die volgende hulpmiddels om te verseker dat u vir die les gereed is: • Bybel • Die les in PDF-formaat wat reeds voorberei is • Kind se werkboek, potlode, kryte, ens. • Die kort video, wat 'n addisionele / opsionele hulpmiddel is • Kategismus in Vrae en Antwoorde (veral vir Konfirmasie) Nota: 2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou. 2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie. 2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)). 2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Jesus se eerste wonderwerk
Bybelwoord	Johannes 2: 1-11
Lesdoelwit	Die kinders leer dat Jesus kan doen wat vir die mens onmoontlik is. As die Seun van God het Hy die krag. Hierdie kennis versterk die kinders se geloof.

Lesopsomming:

- Die Here Jesus en sy dissipels is na 'n bruilof in Kana (Galilea) genooi, waar hulle tussen vrolike huweliksgaste gesit en die ete en drankies geniet het.
- Maria, die moeder van Jesus, was ook by en sy was baie bly om haar seun weer te sien.
- Te midde van die feesvieringe het die bediendes onder mekaar begin fluister omdat die wynglase van die grootste deel van die gaste leeg was; die wyn het opgebraak terwyl die fees nog lank nie verby was nie.
- Maria het dit gesien en Jesus ingelig. Sy stap toe na die diensknegte toe, verwys hulle na Jesus en sê: "Doen alles wat Hy vir julle sê".
- Buite die binnehof was daar ses klipwaterkruike(bekers) waarmee die gaste hul hande gewas het voordat hulle gaan sit het om te eet. Die Here Jesus het die diensknegte opdrag gegee: "Vul hierdie kruike met water!". Die knegte het Jesus gehoorsaam.
- Toe sê Jesus vir hulle: "Gooi nou daarvan uit en neem dit na die man wat vir die fees verantwoordelik is." Die bediendes was verward, maar het die woorde van Maria onthou.
- Toe gebeur daar 'n wonderwerk. Die water is in wyn verander!
- Die nuus oor die wonderwerk het onder die gaste begin versprei en almal het na die Here Jesus gekyk en hulself afgevra: Wie is Hy wat so 'n wonderwerk kan doen?
- Die dissipels was verheug. Hulle het die Here se krag gesien.
- Hulle geloof is versterk.
- Hulle wou die Seun van God volg en vir ewig by Hom bly.



Wat beteken hierdie les vandag vir ons?

- Maria het daardie dag belangrike raad aan die bediendes gegee: 'Doen alles wat Hy vir julle sê'. Ons moet ook gehoorsaam wees en die raad van ons diensknegte en ouers volg.
- Dit was die eerste van vele groot wonderwerke wat die Here Jesus gedoen het. Jesus is die Seun van God en Hy het alleen die mag om wonderwerke te verrig.
- Vandag ervaar ons steeds in ons lewens wonderwerke van die Here, wat ons geloof versterk.
- Hierdie wonderwerke is 'n blyk van Jesus se liefde vir ons.
- Soos die dissipels, moet ons ook die Seun van God wil volg en Hom vir ewig in ons harte dra.

Sommige vrae wat ons kan vra:

1. Wat het Maria vir die bediendes gesê om te doen?

Antwoord: Sy het die bediendes aangesê om te doen net wat Jesus hulle gevra het.

2. Watter wonderwerk het Jesus daardie dag gedoen?

Antwoord: Jesus het water in wyn verander.

3. Hoe het die dissipels gereageer?

Antwoord: Hulle geloof in Jesus is versterk en hulle wou Hom vir ewig volg.

'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders

Mag ons u teenwoordigheid aanvoel

Seën die les wat ons gaan hê

Leer ons hoe om U te dien

En help ons om u wil te doen

Sodat ons nader aan U kan groei

Stuur Jesus om ons te kom haal

En mag ons gereed wees om Hom te ontmoet. Amen



'n Gebed na die les:

Liewe Vader in die hemel, ek dank U dat U ons vandag beskerm het en dat daar geen ongeluk gebeur het terwyl ons gespeel het nie.

Laat ons almal lekker slaap en gee môre weer 'n pragtige dag.

Help my asseblief op skool en dat ek goed met my vriende oor die weg sal kom en nie met hulle sal baklei nie.

Wees altyd met mamma en pappa.

Seën ons stamapostel, apostels en al ons diensknegte en beskerm hulle op hul reise.

Help al u kinders, veral die siekes. Kom gou en neem ons almal huis toe. In Jesusnaam. Amen.